



10446

謙受堂集卷四

詩四

贄雁吟 丙子

丙子六月北 覲二兄耘研四姪自鎮各以詩送行且  
為自昌自華兩兒秋試致祝依韻答和一首

門內風流樂事真年年酬勸總清新池塘春草工搜句器業青  
雲迴出塵

丹詔好看三命賁春雷應與二難震勞謙敢忘趨庭訓一瓣心  
香佐子臣 先君自顏其堂曰謙受

平塘納涼再用亥夏元韻

陽鳥西下暑纔消散髮偏宜問野樵千頃香風新秔稻一天明

月舊溪橋主迎熟客盤餐儉花弄新涼意態嬌嬌首雲霄  
雙闕在朝

天敢惜馬蹄遙

靈宿道中五古三首

盛夏驅長途炎炎日當午長空無纖雲行人揮汗苦揮汗不足  
云所憂在農父涼風東南來佳哉一犁雨

陰陰宿城雲鬱鬱靈壁草長歌念昔遊西出中州道山川如故  
人歲月疾飛鳥倚筇誰家翁蓬蒿以終老

高林一蟬清野水羣蛙亂鳴噪一何紛榮枯暗中換暫喜風景  
佳遙看雲光變停驂投主人村醪自酬勸

徐州

龍吟虎嘯帝王州地是東南最上游青嶂四圍迎面起黃河千

大典

邵

大業堂

厚菴

齋

折挾城流炊烟歷亂人歸市杯酒蒼茫客倚樓多少英雄談笑  
盡樹頭一片夕陽浮

孟廟

已識齊梁跡今過俎豆鄉泰山窺氣象喬木緬宮牆百里心源  
近千秋道脉長由來傳聖善瞻拜意徜徉

兗州

魯殿蒼茫雉堞孤嵐光隱隱見龜島姬公禮教聲靈在聖地山  
川氣象殊幾樹涼蟬鳴墜露一天疎雨濕征途高風獨憶炎興  
日秉道猶存二土迂

雨霽東阿早發

深井高梧一葉飛連宵簷雨故霏霏寒烟曉重嵐陰濕野水秋  
橫釣艇稀報

謙受堂集卷四

二

國自慙臣力薄檢身敢與素心違輕塵十里東阿路林罅晨光  
喜上衣

亂山西下石橋平樹色陰陰遠蔽城過客乍驚齊市語豐碑猶

繫故侯情張宗伯猶治阿  
有聲路碑屹然禾連廣畝三時足蟬到新秋百倍清回首

忽思淠河畔可能豐稔報西成

三歸臺

三歸臺圯暮烟微莽蕩空原鳥下遲薰沐不邀堂阜薦包茅誰  
問召陵師衣裳好會風猶古鐘鼎酬庸禮亦宜憑弔不須輕擬  
議春秋原未有微詞

石門

圖史荒涼劍氣沉河間勝事百無存豈期牛馬風塵裏信宿猶  
傳舊石門

廿六年前此舊遊疲驢破帽一竿裘雪泥踪跡年年換尚喜霜華未上頭

趙北口

西山兀兀易水寒磊落之氣趨邯鄲燕趙自昔誇雄勝不聞風月相追攀茲地泐然入畫府顧盼疑在江鄉間長波瀟灑森無極淨湖萬頃玻璃盤金堤千丈覆楊柳十三玉竦紅闌千村烟遠近互掩映時見鴛鴦去復還塵氛百斛到此淨忽欲簔笠持漁竿

盛朝右文夏講武大合兵士蒐灣澗珠宮貝闕照日月

鸞車

親下青雲端銅叉鐵網雜弓矢薄言弋之鱣鮪鱸筐筍錡釜薦寢廟士氣騰躍臣民歡

謙受堂集卷四

三

天顏有喜迴

六馭大沛膏澤登黎元道苟父老爲余說歌詠

帝力天地寬君不見豐碑隆隆兀當路功德直作靈沼看

望見西山作

西山山色鬱葱龍巖嶂層巒一望中氣脈遠連三晉下精神近與九霄通幽奇只合邀仙侶品位還應秩上公我本京華舊徒侶朝

天又得近春風

次韻李秀才西楊見贈

春風蕭寺幾經旬木榻吟詩氣味真別後幾人回白眼到來一笑動朱唇布袍落拓渾如舊彩筆縱橫自不貧聞道年來清興劇一樽時復對賢人

白溝河偶成

珮影辭

金闕車聲憶玉珂，秋開紅蓼岸人過。  
白溝河夢是三刀舊，恩承九鼎多新蔡。  
無限意珍重托微波。

過景州訪張蒲村鄉居

河上一爲別，年年歎落暉。  
適尋蕭寺塔，來叩故人扉。  
短草禾初刈，秋風柵亂飛。  
到門塵自遠，相見愧緇衣。

自銅城驛宿東阿縣作

朝望此山色，暮宿此山陰。  
一徑亂交水，高下殊嶮巖。  
東阿小城郭，隱蔽烟蘿深。  
茲山覺靈異，意者魚山岑。  
昔聞陳思王，登茲聆仙音。  
感慕製梵唱，宮商被緇林。  
託好旣清淨，感甄胡不禁。  
置身危疑地，疎放踰規箴。  
坐使八斗才，淪落四摘吟。  
靜念休咎理，無

怨論者侵

老樹

老樹何年種，蒼茫風雨中。  
薜根盤地大，霜幹倚天空。  
險阻經秦火，遭逢憶漢封。  
莫因柯葉盡，道左歎飄蓬。

重九固鎮早發懷耘研葵錦兩兄

林鴉初散曉，霜清浦外層。  
霞遠放晴幾，處花開羅令宅。  
一行人，近鳳陽城秋程詩思宜。  
紅葉健會杯光動紫莖。  
此日登高還獻壽，懸知贍季有難兄。

是日抵臨淮卽古濠州地

濠上風光接素秋，水聲東下火西流。  
美人去後歌空咽，蕉鹿醒時夢亦浮。  
何處荒亭邀主簿，曾聞輯玉會諸侯。  
我來正是重陽日，且對茱萸一舉甌。

抵六口占示自升姪

十里荷香送玉珂，匆匆秋色照藤蘿。山川見慣新詩少，壯艾過來舊感多。

玉仗喜窺

金輦路青松重展，白雲窩歸來好。是年登候同聽西風擊壤歌。

又呈耘研二兄兼示自鎮姪

紫薇花下送行時，一曲薰風作意吹。別後定勞千里目，秋來添得幾篇詩。籬邊菊色朝迎杖，囊底螢光夜照帷。若問朝

天好消息，益州琴鶴暫相隨。

百一編上

丙子丁丑

余自戊辰守吳門，再守彛門，迄癸酉先後六年間，魚魚鹿鹿，日無寧晷，吟弄閒情，遂成架漏，酉冬奉謫入都，旋改而

謙受堂集卷四

五

南得六州牧，中間又有春明之役，道路餘閒，放衙時刻，得以稍親卷軸，而家兄耘研及朱天門、顧平壑之徒，以時相見，少小之好，復生，遂得倚雲望華，飼鶴贄雁，等編幾三四百首。蛙鼓蚓笛，自以爲盛。迨丙子冬奉役金陵，繼而奔走，釋如唱酬，絕少。閱四序，僅得詩三二十首，計捉筆時，蓋百分之一耳。雖然，不猶愈於吳門彛門時曾無一於百乎？因名之曰百一編。丁丑十月，思餘氏書於亳州行館。

小憩茅水站感作

停驂望平塘，青山隔昏霧。秋來雨澤稀，田乾麥未吐。猶喜西成佳，罷亞各當路。去年我來此，入廟成小住。過眼跡已陳，談空理可悟。回頭望淠川，琴聲變新故。吁嗟婉孌人，倏焉委朝露。

時安陸氏新逝

云故

夢中得末二句覺而成之

洞口仙蹤未可期迷漫花影記當時春風一夜吹桃葉飄落新紅上別枝

後湖

鳳皇臺畔水連阡元武當年勝迹傳樹色蒼茫南埭雨湖光澹蕩六朝烟無邊風日懸孤塔不盡江山入釣船魚鳥只今同望幸好占牧蓼叶豐年

廬鳳寶觀察有女適輕車都尉巴公之子年二十夫以一身殉賦五古一章

聖朝重名教不責人毀傷從一婦人義身殉非庸常所以古節操煢煢稱未亾咄哉都尉婦胡乃自賊戕意其歸視死所慮蓋已長堂前久寂寞鄰下空旁皇勉強視息俯仰安所將此身生莫贖此志生難償不如早同穴猶得追相莊激烈非所尙險阻亦已忘一死得中正非關兒女腸是宜達

謙受堂集卷四

六

天聽綽楔榮其坊茫茫泉下路藹藹山間芳鳴琴在黃壤陋彼雙鴛鴦嚴君持大義破涕鬚眉張我歌詠女詞浩氣盈穹蒼

題於若樸荷淨納涼圖

火牛驅人心面熱千椀瓊漿不救渴靈臺自鑿清虛天沸泉萬丈生青蓮姑蘇名士丹青器手撥紅塵立雲際案堆三尺流水開倚樓一曲清風來自將鬚眉寫豪素荷淨納涼追老杜寫圖直欲凌羲黃北窗巾扇清蒼蒼圖成示人人共喻豈喻胸中有佳處冬不寒兮夏不燥藕絲冰水都糟柏君不見胡牀踞坐眼婆娑有書不觀寧知他

口占送楊平台同年赴浙

函關秦嶺路偏賒  
襟被南來雁影斜  
三策獻時人最傑  
一官罷後路爲家  
閒翻舊稿登青簡  
賦得新詩謁翠華  
此去更探吳越勝  
富春江上泛仙槎

次韻同年項芝庭太守春行絕句

桃花流水點春程  
一抹山光散曉晴  
誰識勞心賢太守  
隔年庚癸最關情

不教猿鶴笑塵容  
半尺詩囊總挂胸  
謝客只今多令子  
掀髯無復肆譚鋒

來詩謂即君輩賭嬉春詩

金陵役旋赴麻埠作

長吏歸來春滿山  
薜蘿深處鳥飛還  
十圍松樾青何代  
萬井秧田碧幾灣  
珠桂不驚農餉足  
市廛無恙役車閒  
夜來風雨飛千丈  
曉看濃烟濕翠鬟

寄呈盧鳳寶觀察二首

謙受堂集卷四

七

秦淮橋畔足春風  
一曲歌殘夕照紅  
玉屑總飛楊柳外  
彩毫初試畫樓中  
官曹禮數寬吾輩  
雲水心情入暮空  
坐久最憐門下吏  
婆娑青眼許誰同

舊是黃門啟沃人  
鹿車遙捧

九天春輿人頰起  
傳丹筆鄭俠圖成拜

紫宸儘有閒時裁  
短句更無餘地著  
織塵別來悵望蓬萊遠  
照眼蒲葵接令辰

題耘硯二兄續刊高槎客題情田詞句用東坡題張競

辰讀書堂韻

我兄深思人不如  
心泉脈脈澄清渠  
情田一卷凜栢棖兀兀  
自校蟲魚書書成付梓  
更何事欲得嚶鳴舊時義  
浙西六子渺難



追搜盡殘編無一字中州武士情聯環羅裙遺草投贈閒就中  
忽得題集句洽如清磬來禪關老兄得之喜滿腹中夜起立百  
回讀取之作序抵元晏思通鬼神真意足

舒桐道中偶成

秋水澄山色高低一望青遙林藏翡翠深草亂蜻蜒世事隨年  
換川原憶昔經西風好禾稻映澗有餘馨

丁丑中秋漫成

丹桂香飄月滿天又逢佳節慶團圓廿年人轉浮雲外一片秋  
橫渾水邊閱久垂情成淡泊老來兒女費周旋人生光景真堪  
惜好聽清歌匝四筵

集賢閣作

險磴危關古堠通烽烟休歇莫雲空三秋霜霽流泉白一夜風  
翻柿葉紅歲月疾於歸雁逝江山閒與野鷗同年來此地經行  
數隴畔人應笑轉蓬

謙受堂集卷四

八

奉查河道至霍邱三河尖作

淮水經行地蒼茫禹跡餘烟從遠灘出人築小臺居秋老問征  
雁河消得巨魚

盛朝勤水利溝洫導沮洳

懷家酒

過水來千尺巉岼仄徑通天心限南北地氣貫西東出坎終無  
礙盈科漸有功洛雲連頰樹都托覆幃洪

亳州早發

夜來風急冷朝暉百里蒼蒼接翠微荷老半塘堆破蓋柳殘十  
月換新衣河洲沙暖鴻應聚驛路霜乾馬自肥四海正當

清晏日英雄譙郡近來稀

蒙城道中

蒙城舊時路迢遞入殘年村近忽逢寺樹遙唯見烟麥矜衰草  
畔河折斷橋前爲憶道遙叟尊生得自然

自宿州還亳過永城作

已熟南州路何來古宋溲原空低見屋樹雜自爲林鷺鳴沙塘  
淺牛羊麥地深顧瞻獨惆悵誰解牧民心

途次偶成

森森古木動寒烟水國陰晴未定天鳥影沒時浮遠岫浪痕高  
處落沙泉風前堤草黃無賴雨後園蔬綠可憐  
盛代只今

清閒切欣看嘉種遍桑田

謙受堂集卷四

九

冬夜獨酌成詩

凍雲凝雨欲開難冉冉西風送薄寒未定栖鴉頻繞樹已殘叢  
菊尙依闌榮枯閱後身成客得失忘時夢亦安一點青燈數行  
字夜長莫放酒杯寬

解凍

解凍一杯酒消閒幾卷書頓忘身在客絕勝野爲居壁冷蝸罅  
字風高燕去廬最憐籬畔菊秋意尙踟蹰

亳州見蠟梅作

年年寒裏檢行滕又見瓶梅照客燈花樣縱翻新歲蠟素心不  
改舊時冰木蘭祠內香盈砌丞相墳邊雪數層爲問寒山清磬  
影至今畱伴幾多僧

亳州懷古七絕句

成湯墓

古湯遺墓正斜暉  
渦水潺潺遶翠微  
一自網開三面後  
至今山鳥傍陵飛

老子祠

紫氣迷茫檜影秋  
五千元著付青牛  
夏無人解清虛意  
流落黃冠唱未休

魏武宅

譙東精舍近如何  
一抹殘陽掩薜蘿  
九錫不加丞相府  
勛名寧減袞衣多

陳思王

八斗才名竟厄陳  
千秋詞藻委荒榛  
高懷早薄通侯位  
只是傷心賦感甄

謙受堂集卷四

十一

木蘭祠

萬里黃河大點兵  
買將駿馬替命征  
荒祠一片關山月  
夜靜猶聞唧唧聲

嵇叔夜

廣陵一曲寄遙深  
風雪泠泠捲素琴  
唯有丹心昭白日  
侍中清節繼清音

陳搏故里

騎驢看遍短長亭  
幾度滄桑入腐螢  
過眼便多今昔恨  
可知酣睡勝於醒

潁州

長淮東下水潺潺  
萬里關河此鬱盤  
古木遠依嵩雨外  
碧岑微露楚雲端  
平湖水退麥初耩  
埜塞霜清雁去殘  
見說城西好亭

子歐蘇勝跡與誰歡

丁丑長至潁州作

瞳瞳日臨窗，啁啾雀噪屋。光風潁州城，見此一陽復。殘雪猶照楹，生意乍回谷。凌晨拜

紫微，鴛鷺一何肅。東南望潁川，佳氣遠相屬。去年當茲辰，暮鼓鐘山麓。僕指數前期，往往在旅宿。平心念菲材，雨露荷

洪有栝楔，勞匠收牛羊。負人牧時譽，暫相假得失。詎堪贖靜占天地心，仰被

朝廷福。操此一寸真，庶幾質幽獨。詩成發深省，瓶梅香正馥。

贈潁州行館主人連斗山明經

底處清虛別有天，芙蓉初日想當年。夏無俗伴閒相逐，剩得殘書澹作緣。颯颯金昆荀氏貴，遙遙淝水董生賢。我來正是梅花

候，珍重東君作意偏。

題自鎮姪循陔圖

春雲壓瓦春風生，蘭心夜坼舒新英。新英盈盈暗香起，中有人兮循陔行。丈夫意氣行空馬，循陔之意奚爲者。堂前大椿堂背羨，愛日遲遲雙膝下。膝下佳兒意何如，輕翰早上秋風車。雕龍繡虎振文藻，青雲事業終非虛。况復有子皆令器，譬蘭當庭還繞砌。行看赤鳳爭璘珣，豈獨白華補文字。竹林有叔眼誰青，銅盤別室教譚經。臨圖爲寫玲瓏曲，彈向高堂洗耳聽。

偶憇潁州三十里舖舖卒李姓老矣出所藏二冊子示

余其曾大父名學禮，明萬歷進士官四川副使。一係某公爲作傳，一係予告時吏部所給照會也。舖卒之微能保其家乘於百數十年之後，墨跡如新，爲之感歎以詩。

我來潁州道小憇郵亭傷殘雪覆屋瓦爨烟出東牆有叟僂而  
進長跼問吉康自言本走卒官甲日夜忙手持二尺卷索我觀  
其許受卷一再讀喜溢增傷叟之曾大父陳臬西川疆抗陳  
賈讓策遠繼于公芳有明神宗時厥問殊煌煌一卷公本傳作  
者同年行一卷吏部牒歸田乞天章逮叟已四世丹墨森琳瑯  
讀罷急歸之叟忽淚盈眶若耻墜厥緒又若雙眉揚一時春滿  
室四壁生輝光吁嗟百年間人事多滄桑呵護竟何術居然寶  
青箱相彼挈瓶智卑賤庸何傷寄言名家子箕裘慎勿忘

途間偶成

一年半行役我意竟如何舊事那堪憶新詩好獨哦眼中農事  
改心裏歲寒過借問前村裏梅花發幾多

下蔡口渡淮作

謙受堂集卷四

十一

忽忽歲云莫蒼茫淮水間荒陬傳下蔡野渡起平山舟子鳴榔  
急沙鷗立草閒我聞雙峽口險隘阨雄關

淮上偶成

歲月消殘雪江山入草廬幾回淮水上遠憶錫圭初賈讓曾傳  
策河渠亦有書自慙材力薄無計戒衣襦

時有河工之役

壽州咏古三首

茫茫清淮水遠出汝潁右千里百里流芻皇挾而走及茲勢方  
張峽石扼其口相彼疏鑿力一卷何足剖流謙而不盈用意良  
獨厚登山謁冕旒再拜以稽首

昔者淮南王受命當旣墜尺布謠未終胡乃踵其智八公何許  
人登臺鑄矇矓神仙不可求國殲身亦頓劉安不足言所嗟獨

伍被

苻堅天下雄睥睨江之左熊羆百萬師氣壓吳山墮誰歟一局  
棋談笑走么磨兒輩竟辦賊草木成勁箭強弱豈遂殊天命良  
未可咄哉捫蝨翁遺言洞觀火

次韻項太守芝庭同年長至聯句

白傅清神萬丈長春風湖上日飛觴長裘有願衣寒素仙案多  
才待玉皇堦下清雛誇謝鳳座中詞客半鄒陽我來徧誦吹葭  
句燕寢平分一瓣香

杏園春放水天長千里絲牽累十觴政解寬嚴歸醞藉語經甘  
苦不張皇三年况瘁披朝霧一片清虛對夕陽堂畔只今梅正  
覆可能比似使君香

祀竈日宿芻陽城寄示兒子二首

謙受堂集卷四

十三

輕沙淺草晚蒼蒼又到芻城問穎昌嘉貺昨宵肩白鹿

時觀察以鹿脚見貽

迎年今日祀黃羊

九重恩渥官非薄千里人馳髮尙長客館清燈照杯酒隔隣香  
火正飛揚

三年淠水賦卷阿幾度椒盤客裏過役久頓忘年事改身閒贏  
得好詩多莊生亭畔梅添蠟城父河邊雪覆蘿寄語團圞好兒  
子膠牙應有侑神歌

歲暮寄呈耘研葵錦省日三兄

天柱官齋裏芳樽接令辰冠袍墮稚子燈火禮先人兄弟存三  
老團圞及九春北山有行客遠共棣華新

寄祝耘研二兄卽用見懷元韻

七十過來又五霜逍遙猶得似蒙莊枯懷但剩新詞好清夢多

緣逸事忙萬水千山雷骨健左圖右史引年長延齡一盞邀兄弟應許勞人最後嘗

### 亳州立春

一點春光拂曙回東皇布令此方來便看暖氣吹寒雪乍覺新風入舊梅使院迎牛搖綵勝

帝廷賜醑醉仙醅遙知六社田間鼓同上鳴琴刺史臺

建業山頭淝水陽幾回風物宕清光兩年春事江南北一脈新情歌短長車馬近來爲客慣鶯花隨處逐人忙當官敢忘勤民事酌酒焚香揖土芒

### 偶成

舊年此時節于役鳳城餘暮鼓勸

### 王事椒香節

謙受堂集卷四

十四

帝居人煙南埭迴花影北湖虛同伴今殊地相思鴈字疎

### 除夕

東風吹信與梅俱客館晴窗獨擁爐半榻香烟迎歲采一庭寒雪餞屠蘇宜春製就金爲勝棠棣根深玉滿株正是吟詩好時候新聲嘹唳憶清雒

### 春雷換歲行亳州行館除夕作

爆竹昉何年厥風天下一層蘇換歲時獨此增采烈日夕初發聲譬帝自震出須臾漸益多入夜無暫歇大者轟雷霆小者燂榛栗高者徹雲衢伏者穿地窟遙臨動屋瓦近起搖門闥當夫嚮晨時衆響叟蒼鬱延緩東南來猛厲西北突迴環若相應一縷終不絕重如排千山砰礚石漿裂浩如走百川澎湃波浪濶歡如奏洞庭鐘鏞雜竽瑟怒如戰鉅鹿刀槍淬金鐵纔聞聲煌

煌旋覺語切切煌煌天上齊切切房中暉颯颯朔雪飛飄蕩旋  
風疾雪飛檐馬鳴風旋竹竿折夜起百狀驚坐久兩耳失平明  
勢漸稀一二振清越又如萬籟停餘音尚彷彿此時  
天門開森森列袍笏此時絳殿高萬萬薦芬苾此時士朝興盟  
漱禮明吉此時婦新粧對鏡理雲髮此時喧兒童奔走競歡悅  
此時充閭閻相揖互頌說誰歟爲此聲能使高興發毫都舊名  
區茲事頗蓬勃佳氣協人天豐年從可必耳目多新容瞳矐麗  
旭日倚窗戲作歌春風入彩筆

謙受堂集卷四



謙受堂集卷五

大興 邵大業 厚菴

詩五

百一編下 戊寅

戊寅元旦

爛漫年光裏春回毫社風爆聲現地旺雲影兆年豐天柱千峯  
迥長淮一水通遠瞻佳氣在葱鬱對丹楓

初春對雪

春氣動春城春簷見六英冷霑梅蘂重濃散鶴衣輕公子飛金  
竿佳人弄玉笙風光無限好偏照客窻明

排悶寄示兒子

作詩無解人強與奚奴說舉棋無勁偶舊譜自耽閱人生苟適  
謙受堂集卷五 一

意獨處具親暱咏歎有遺音何必竿與瑟新春天氣佳怡然足  
歡悅寄言潁川人毋爲念契濶

正月十日潁州富太守遜齋於亳州行館招集同人觀  
劇長歌誌謝

毫都藹藹春風新梅花雪花光照人潁州太守大開宴擊齒烹  
鱸集羣彥高軒結搆歌薶場五尺明鏡懸中央綵繪繡練作門  
戶金石內起不知處吳中小兒玉亭亭歌喉宛轉檀板輕引商  
刻羽中法度能使周郎不回顧忽然鄭衛催絳絃一抗一墜何  
靡曼須臾換作秦州曲鼓缶彈箏雜鳴筑南歛暉緩鳴鳳聲北  
謳駿厲寒蛟鳴南歛北謳層疊起堂上堂下皆側耳主人無倦  
客無譁觀樂至此寧復加我聞八風應地出地氣異宜風不一  
又聞萬事根黃鍾清濁高下相爲宮此邦吳豫介左右况值春

回長至後天時地利適相尋宜乎衆妙諧人心我昔作郡金闈  
下三年再策彝門馬入耳都如前日遊田疇子弟心悠悠太守  
西川舊良牧下車未久光郁郁今夕何夕非偶然聲音之道與  
政宣不寬不猛不緣競與人作歌詩同聽

正月二十六日作

改歲兼旬過悠然見物華短牆銘舊雪晴院釀新花蠕動壁間  
出風鳶雲外斜如何久行役三月未歸家

壽州安豐塘綿亙數十里楚相孫叔敖所闢利澤甚溥  
頃過其地爲賦一律

陂塘東滙水湯湯千頃湖田挹注心萬世只今歌永賴當年應  
復懼非常石泉春漲溪毛碧玉露秋橫野苻香王佐深沉原不  
忝却憐功業滯瀟湘

還六州三首

謙受堂集卷五

二

爲作鳩工使俄成隔歲遊冰霜馳北國冷暖憶南州燈火千家  
市烟霞四望樓歸心指河水無日不東流  
聞說冬三白彌漫雪幾旬遠懷衣褐冷深念桂珠辛閭井今無  
恙來牟幸有春公歸知望久楊柳亦含頰  
已過傳柑節春風二月枝出當黃菊後歸是玉蘭時爛漫荆花  
影團圞謝雪詩尤憐明月夜早滿蚌珠期

清明壽州道中

榆火入清明香塵拂面輕東風寒會路芳艸壽春城河上客攀  
柳樓頭人弄笙百年身屯裏此際獨關情

鳳臺喬溝各河告成縣尹鄭定堂有詩奉和卽簡

乞將靈雨下桑田手挽狂流距大川秋水不啻河伯腹使君功

德自年年

鳳皇山側大淮涯庚癸經年歎阻饑青史功名誰最著君家原有鄭當時

幾度陳書起瘠民冰霜歲晚役車頻虛懷最愛功成後儘把勞

心讓昔人

元唱云夜棹荷蘆成底事苦心原只在前人

三句鼙鼓不言勞百尺紅綃勵汝曹鴻雁影隨春氣散一天花柳點晴皐

繩牀疊鄭定堂韻三首

春風吟榻在輕比竹牀佳瑣碎疑窺網玲瓏巧映階最宜歌席帽還復隱僧鞋借問北窗下羲黃可到懷

結繩何歷歷指枕自佳佳望去呆愚影分來上下階臥應攜竹簟起自曳芒鞋何必工雕琢年年燕入懷

謙受堂集卷五

三

雅稱高人臥疎疎向夕佳細紋全上背碎影正當階夢入冰人綵寒侵東郭鞋幾回偃仰晚偏喜近唵懷

遙和寶觀察春行絕句

一樣馳驅未定身嘯吟山水自天真而今解識超然意不信風塵得帶人

龍山城畔曉風寒素幄操心損晝餐活潑總從眼前得不須春水放漁竿

冰署新開塋

關亭豸冠猶聳舊時青江州二月星輶外賦到春山草亦靈

郊原雨歇遠峯晴隔浦桃花照眼明驄馬過來人盡望豈知懷抱野鷗清

長淮東下水悠悠賈舶千帆夜未休誰使仁風滿河畔一錢劉

寵不曾畱

中渚去尋鴻雁宅衮衣歸賦鳳皇山行春多少勤民意只恐東風未解顏

談河元妙溯崑崙說盡酈經笑倚門不是乘楂天漢外望空那得解微言

三載親承笑語長奉官清淨誦詩忙風流爲政於今在挾瑟何緣得上堂

役車空過豔陽天牛尾驅人火欲然一卷新詩天外得條如清澗送潺湲

雙戟遠依滌渙水短轅環逐壽唐風漢廷春滿宜房後也聽鏡歌入座中

再和寶觀察續春行絕句

謙受堂集卷五

四

河上春風自解頤好花開遍豔陽時清溪十里飛楊絮觸眼猶疑雪滿枝

一犁芳澍灑新牟荷鍤人來喜上眸記得長安農父諺從來春雨貴於油

天桃千點埜人居水繞村門烟繞廬車馬一行塵十丈羨他清暇武陵如

三時辛苦一時成總翠長條夾路清贏得江南好風景一灣流水鷺飛平

不須疏鑿問神謀略約斜通處處幽只此便堪籌未雨淺於河渚大於溝

湯王祠畔役車頻傀儡場中別貯春雅集不教絲管溷明公原是舊詩人

忙裏未忘傳綵夢貧來不惜買花錢風流原不輸泉石只遜東窗日照眠

楊柳歌殘石篆文衮衣歸去謝紛紜懸知十萬河邊戶爭買黃金鑄使君

黃梅

南國黃梅雨蕭蕭上客裾陰晴真不定冷暖幾回殊埜水明於鏡巖花綴若珠桐山吾見慣心與片雲俱

題亾友王支庭冊子

一夜霜風損玉芝窗前零落舊繁枝心傷越水奔星後腸斷清樽對月時倚戶蒼茫虛鶴髮受書辛苦剩孤兒生平多少承家事化作飛烟與淚滋

魚水初逢建業山丹鉛相照幾年還新知好在賓筵外投分多

謙受堂集卷五

五

於氣誼間下筆劇憐風雨快無言時共水雲閒如何一別成殊路補寫遺圖鬢欲斑

七夕歌用温飛卿韻

清商逗雨寒侵梭牛郎夜半凌橫波微風潛動張素羅鳳笙鴛管吹雙蛾玉人一去三年歌華屋已矣歸岡陀憐新念舊心若何茫茫眼底如填河洞房環珮秋期過人間悲喜還應多

題立三從兄叢桂圖

昔我萊園伯念祖心如惓卅年纂家乘上下苟治兼我兄志所志蚤莫尤沾沾栢棧稟重大俎豆懷微織往往述先德色變神不厭以此契先子許以五垂占謂必獲令嗣相與報隱潛茲理信不爽有子文筆銛迢迢舜江水鬱鬱青山尖松楸十六垂維繫如堂廉甌香久彌旨琴韻清且恬豈徒一枝桂白日當秋蟾

願言我族氏披圖佐鍼砭

和合肥廖古檀明府見贈五首

尊鱸江頭識令名淮南百里迓雙旌翩翩霞舉朝天路奕奕風  
馳入手聲氣味雅隨叢桂遠仁恩深與大湖傾亭烏照盡渾無  
事綠滿平原正鷓鳴

禹鼎千秋氣獨扛南金清譽滿廬江挾天才藻原無敵入洛聲  
華早得雙白晝一枝當桂府絳闈三省映蘭缸只今出入瞻星  
裏猶有閒情弄曉窗

隴上欣傳秀麥新絃歌聲外雨初勻纔陪天上迎

鑾客又作河干露冕人于菴歌成清望迴宣房役罷埜花春北  
山去住年來久爭看

褒章降

紫宸

濩落空慙計吏書年年花事委荒渠鉛刀割後亡無利倦鳥飛  
時歲欲除常笑朱轡開大郡却欣青草接華輿清詩妙繪兼書  
絕珍重薰風爲解予

我客依劉侑楚臺魚鴻相望白雲隈

時葵錦家兄掌  
教廬陽書院

雅懷見說姜家

被逸興曾傳月下杯北斗朗懸淝水上南樓高接蜀山回幾時  
花外同清賞爲近春風茂叔來

寄呈鍾祥座主楊夫子四首

翠色依南嶽巋然峻望存春風閒杖履秋日在林園龍鼎文章  
貴鸞坡道誼尊記會受奇字獨立想師門

竟謝冠簪去高堂愛日懸婆娑眉壽酒辛苦蓼莪篇蹊引三千  
士花看二十年蒼生誰副望奕奕後昆賢

青眼千秋在盧前忝昔名一麾曾近座屢改尚專城清白寧忘  
訓陳慵不及情無由奉言笑蕩落負平生

千里薰風外翩然忽奉書徘徊瞻獨鶴繾綣認雙魚南郡開尊  
日方城

賜杖餘老人星正迴盼望倚庭除

戊寅十一月為張蓋翁納姬於六署夢中得詩二句續  
成四截句以贈

老桂峻嶒物外姿一枝新豔報秋期風流舊有張郎筆只畫宜  
男不畫眉後二句  
夢中得

綠綺歌殘已卅年清商無復問仙緣不因堂上含飴望有把琴  
心付別弦

阜城化雨幾年新溪淺溪深自有春此日燈前聞絮語種蘭原  
謙受堂集卷五

是種桃人

關情刺史却無情珍重明珠老後生金屋只今冰署是相看還  
似潞河清余與訂交潞河  
今三十二年矣

冬日赴皖城道中作

遙風吹嶺松賸水漬澗窟空山鳥影藏但見木葉脫冥心數前  
遊歲月儂一一人事殊蒼茫過眼換寒熱非不任自然而乃役  
於物今年苦隣蝗捕捉務殲滅秋來伐其遺力盡夢猶怵皇皇  
念民艱高興何自發願言祝蒼穹假以三尺雪及茲培來牟庶  
幾淨餘孽民熙吏亦恬江城看紅日

戊寅冬抵智香禪院憶大冶令朱天門

吟詩人去幾回霜蛛網蕭蕭榻半荒唯有窗前數竿竹一般清  
影上高牆

百子山遙接楚臺冶城初試戴星才如何鴈字聯翩去只隔江雲竟不回

喜晤同年喻澗湖太史

羽翼差池二十年相逢忽憶杏花天平生飛動歸何處過眼蒼茫各惘然蠟屐總隨幽谷鳥險灘長挽上流舩江城一夜陪清話不信人間未得仙

擬古二首呈寶觀察

亭亭歲寒松柯葉一何盛鶴鶴營深巢鳶蘿附堅勁相顧不相失依倚各爲命豈知當北風支吾乖本性但得衆類安寧惜一身病

團團五尺磨體製同圓穹下石鞭不起上石旋如蓬不有一寸鐵疇與撐當中日夜走陳跡粒倉來無窮潛運在幽獨無能侈其功

謙受堂集卷五

八

題胡古香天山較獵圖

古香山人雲天徒出入邊徼凌江湖少年意氣老不減淋漓自寫鞬鷹圖倚弓一嘯狐兔懾猩罽焜焜照蹀躞呼童捲旆塞烟空詰旦合圍夜罷獵罷獵歸來雲水閒得麀得鹿須臾間回頭笑指過來事兀然一醉酖朱顏

霍山

幾度看山色今來竟若何茶收培舊葉石冷挂殘蘿樵徑千尋直荒烟十室多却憐冬日暖乍覺到陽和

絕磴千峯外艱難蜀道驚籃輿勞衆挽羸馬傷人行谷鳥瘦無賴幽泉寒自鳴相忘唯老衲飲啄此平生

松老疑藏鶴沙寒不聚魚一行薪入市幾處竹爲廬趨走兒童



健逢迎父老疎莫嫌孤陋甚猶近結繩初

英山

英山彈丸地吳楚此相遭霍嶽朝通氣晴江夜散濤已憐人漸  
滿猶喜俗母悃借問黥王事蒼茫何處蒿

贈英山前尹陳雲上用張蓋翁韻

寂寞空山裏弦歌尙有聲芝蘭今入座冠冕舊耑城時主麥雲書院活潑  
隨魚鳥艱難保性情此中本無物安用不平鳴

送英山尹張巨川南歸

冉冉蒲帆挂夕巖道旁攀臥滅歡顏人歸南北雙峯外名在東  
西二水間英有東西二河高致久邀廉石共遐心應逐野鷗閒却憐毛羽  
當豐滿一折無端萬里還

淡泊情懷爛漫餘知從艱苦得紆徐卅年徧領卑官味五載新

謙受堂集卷五

九

詮拙吏書松柏有心人共見稻梁燕實計真疎臨岐不作歸休  
嘆笑看藍田玉茁初

喜雪和耘研二兄韻

爐香燭影送華年有客新成白雪篇入臘總虛鹽撒地先春猶  
喜絮漫天河流斷續兼冰駛嶺色微茫挾樹鮮共道縮蝗資  
帝力不辭爛醉倒歌筵

除夕用丁丑祀竈日元韻

雪影遙連樹色蒼又看東柄映文昌芝蘭香起誇羣鳳雨露  
恩深抵萬羊德薄敢希椒實大才疎猶藉樾陰長儀容先代三  
年隔再拜焚香意激揚

去年今夕頽山阿一曲清觴醉裏過高興不緣爲客減歡情寧  
似在家多團圍兒女圍紅燭燦爛香花映碧蘿一盞屠蘇先後

飲閭風欣聽早朝歌

同日和耘研二兄韻卽呈葵錦省日兩兄

十二星迴紀歲終暖風光與雪花融山開羣玉人都秀瑞應三  
椿我漸同祖德敢忘弓冶舊

君恩長戴地天洪座中誰占屠蘇飲得句還知老喪工

華萼編

已卯

耘硯二兄人日立春詩有句云華萼吟高調自奇一時傳  
誦因以名編

已卯元旦次耘研二兄韻

閭闔嗚呼日衣冠虎拜身春風來

帝宇花氣釀天津瑞色千村足文昌一代新吾家存逸老談笑  
總清真

人日立春和二兄韻

謙受堂集卷五

十

誰將紅錦奪邱遲句寫池塘略似之人日應年春夏好畫堂翦  
綵老偏奇東風暗長閒窗草闌雪初融

上苑枝奉杖試同高處望一鞭分到萬家時

春風新兩行送諸子姪北上兼示自鎮姪

春風一夜雨澗水添新流庭前二三子及茲發行舟青青泮宮  
草鬱鬱丹桂秋涼德敢逾望所喜先蔭稠先蔭不可恃努力爭  
姱修葵蒲屆朱夏我年知非週事親孰爲大母爲念蘭飴臨行  
語小阮後勁偕其儔明年此時節相望龍池頭

示五女

我昔悲井白我女方睽盤藐焉失所恃叔母相周旋叔母不啻  
母得母違父顏父兮南北走往往阻閒關行年十有四見面良

獨難昨年來六社宛轉椿庭間亭亭若修桂馥馥同香蘭語言  
傳而永纂組巧且嫻誰歟相教戒實維乃姊賢叔母忽歸去歸  
攜衛水湍臨岐不忍去乃姊允拳拳譬如雙白鶴乍隔東西山  
索我爲題句我則何能慳念彼婉孌好重此兄弟歡忽焉憶疇  
昔旣笑還復歎泚筆爲書此聊以當團圓

題柯景韓芳草杏花冊子

天台山下東風早十里紅花漾春草阿誰馬上獨遲遲青衫竹  
笠朱顏好我客生平玉比溫端居不愛追紅塵忽將尺幅寫佳  
麗興所偶寄良非真寄語樓頭諸姊妹紛紛車馬香成隊山木  
有枝卽不知莫向風前輕贈佩奚童笑問何所之秦樓楚館非  
所思一鞭遙指白雲路意在天台山下之東籬

山行

謙受堂集卷五

十一

吟興近來少翻嫌詩境寬春山人共淡險道馬知難野竹含烟  
重東風挾雨寒幾回窺林鳥睨晚未成歡

奉呈寶觀察行部

芍葯闌前侍酒卮流光過眼一年馳喜逢輿蓋遙臨日正是旗  
槍欲放時溪水有情延渡馬桃花含笑待題詩使君本是黃門  
貴手挽天波下綠厓

赴廬州望見蜀山呈蔡錦家兄

廬陽風景隔雲屏別後秋鴻幾度聽千頃未瞻灤水碧一螺先  
見蜀山青輪蹄去住風飄絮官吏新陳浪逐萍唯有池塘舊時  
草春來還繞謝家庭

平塘仍用亥夏元韻

逝水奔輪歲月消年年塵鞅負漁樵未忘青草平塘路上上春

風白石橋門外晚山斜更好堦前小鳥熟偏嬌相看端有仙源  
在安問蓬壺萬里遙

全椒投朱朗圃同年

憶隨天路賦卷阿春草秋花又幾過作吏光陰飛電速懷人風  
雨到江多松簷老鶴應無恙蘭砌新芽竟若何每到便驅車馬  
去至今惆悵負庭柯

桐城投顧平壑

冉冉晴雲掩翠微故人談笑一年違却緣江上驅塵網不及城  
隅叩竹扉彭蠡客來詩思濶六州花老勝懷稀與君無限相思  
處畱待他時話夕暉

次韻潛山文學丁雪湖二首

鶴影松聲萬壑風有人長揖傲三公縱橫白眼朱輪外收束丹

謙受堂集卷五

十一

心綠字中簪紱情談門戶貴文章羞與世人同湯勞折節來吾  
黨不避塵埃刺史驄

誰將博物擅時名索笑真慙陸士衡說劍未窺雙鳥下論文欣  
見小珠傾龍山翠律千岳秀楚水蒼茫一葉輕勝地那能容俗  
吏滌除唯對玉壺清

清和下瀚王明府桐岡邀同邵靈璧玉英山登鎮皖樓

小飲次桐岡韻四首

高閣崢嶸不計尋棟花風裏此遙臨一江春水碧無限幾點楚  
峰青到今陵谷久消龍戰氣煙蘿不碍鶴飛心往來代謝成千  
古駒隙難再過客陰

江天飄渺一樓閒人在蒼茫落照間千劫灰塵愁白鳥百年身  
在笑青山回看煙火重闌外遙識歌聲六代還喜是太平無事

日漫勞天險說雄關

滾滾濤聲下蜀江四圍風景落雲窗九華仙嶺高無匹百尺危樓近得雙曉上濃烟迷雁渚夜深倒影散蘭缸清光萬派誰收拾二陸吟成子夜腔

桐閣令弟亦有詩

一杯醇耐灑遙汀坐有高談濯性靈翬革初成人共豔江鮒新薦眼同青小車花外光分族大令山中石作屏美具難并還自笑擊轅欲奏與誰聽

寄祝方利川同年

太乙樓前柳染衣春風迢遞十年違採芝縹渺龐公去饋饁從容冀缺歸珠樹雙雙延舊蔭香蘭藹藹漾新輝蓬壺只在西江外一曲歌成寄翠微

題亳州刺史徐退菴行樂

謙受堂集卷五

十一

南州公子門第高朱輪赤紱千蟬貂射雀早入相公宅東牀跌宕揚清標馳馬直走邊徼外繡衣分刺江淮交績成報最拜三命毫都皂蓋開雙旌穠華富厚垂所豔獨有懷抱超然超清如秋水瀉幽壑朗若明月當中宵我初識面鳳凰郡年來于役身相遭一見便令祛鄙吝坐久渥若酣醇醪有時涉筆一吟弄清詞秀語凌霜毫誰歟寫此一尺素乃能想見生平豪我欲從之永朝夕滄浪歌罷歌逍遙此中寄托有真意非徒山間江上一葉之遊遨

題同年方利川孺人封股冊子

割股勇者事儒術勿之臆豈不重奇行所慮好名耳西江有孝婦乃非此之比姑病藥勿瘳婦心痛欲死無路乞姑命剪肉和甘旨利鈍非所知寧復爲稱美天意鑒真誠沉疴一夕起斂手

謝親戚母爲耀鄉里吁嗟誰家婦方氏同年子

題歙州張汶石匠匠山房詩集

幾年風雨憶黃山一卷清詩喜破顏但說青囊窺祕鑰張精於醫豈  
期白鳳吐連環解人應索元和後得力多於至正閒日暮放衙  
相對久絕勝三十六峯還

次韻朱朗圃同年述懷六首

鵬飛初起早抽身冉冉歸帆指夕筠無限纏綿懷菽水不將啼  
笑擲風塵人回北郭貧都好句補南陔字亦真爲問承歡昔年  
事白雲晴繞武陵津

萬點尖攢萬壑聲飄然鳧影斷雲橫山中早辦高人屐嶺外纔  
傳長吏名雨細灌園春菜熟風輕移柳暮蟬鳴回頭笑指王尊  
路未必迴車不近情

謙受堂集卷五

十四

渺渺春暉竟隔離一腔清怨夜臺知百年寂寞嗟何及五父荒  
涼近在茲馬鬣遲君頻顧影躡筐容我更吟詩形家幻矣非吾  
黨司馬家風願及時

辛酸諫果味回餘贏得清香暗襲裾遁跡已甘辭

魏闕洗心真欲見匡廬一枝定後棲纔穩雙眼醒時夢亦虛落  
落晨星君記否幾人還似大羅初

蕭然簞笠伴漁翁過眼烟雲一笑空香草餘情含落日美人殘  
夢托秋蓬豪情自照三千髮厚翼能培九萬風階下只今頭角  
異稜稜應染

上林紅

讀罷離騷又反騷幾回索解歎寥寥霓裳自昔賡同調鼓桂於  
今負小招詩酒流連餘好在林泉悵望野情饒我來扣角相追

和凋晰都應付牧樵

寄祝顧平壑六十生日

古者作詩重規誠祝嘏近諛非云賢我思此理若果信臺萊諸  
什奚稱焉相知以心不以迹介壽在德不在年氣誼相許信不  
苟何必頌禱非真詮今年樞火我五十勞君贈我詩一篇慷慨  
直寫意中事流連光景情娟娟亦越仲呂君甲子我欲頌之難  
爲妍我聞君將走山谷杖屨竹杖相周旋龍眠自昔多勝跡毋  
乃採藥尋飛仙君懷磊磊脫世俗豈以虛誕煩夤緣意者出門  
謝賓客振衣濯足全吾天此懷超絕足千古何但百歲當綿綿  
故人相望在霍麓所願長飲此山泉如此作頌頌非諛我知作  
者然其然

奉和宮保制府尹公同裘司農錢侍御兩主試重九遊

攝山四首

謙受堂集卷五

十五

中朝聲望重沂萊生佛千家得再來似海恩波原舊澤如山案  
牘總親裁青松兀岸成高節赤鳥從容掩衆才最是苦心含萬  
類更勞指畫到雲隈

九天縹緲賁

絲綸賦到卷阿意倍真檢點煙霞供

帝座雕鏤泉石貯陽春遊觀不得旬宣事文學依然侍從身令  
節試憑高處望千秋金粉條如新

六龍飛處共攀躋樓閣崢嶸拂絳蜺自植松楸都向日別栽桃  
李正沿溪衡材選重司農尺簪筆人分太乙藜同座一時皆後  
輩朝星還認

紫垣西

早年佳氣望函關，濶跡欣邀一吏閒。  
樗櫟未甘成散木，蘼蕪猶喜托空山。  
材歸大匠洪鈞在，人到龍門細節刪。  
一曲轅歌聊紀勝，星辰天上敢輕攀。

壽寬齋王院長卽用見贈元韻

海上歸來老彥方，文章舊價重吳疆。  
攀將滿縣栽花手，散作盈階帶草香。  
五字詩成山有氣，百年酒進雪生光。  
黃堂咫尺邀難弟，鶴影松陰相映長。

過桐城懷顧平壑

故人解組後長住，此山阿詩好憐子。  
在饑驅柰爾何，秋風彭澤岸落日。  
皖江波借問馮驩，缺何時返薜蘿。

壽廬守王容齋同年卽用見贈韻二首

青藜冉冉夜光浮，五馬遙臨帝子邱。  
漢吏大都崇悃愾，晉人原不礙風流。  
淮南烟月邀新賞，冀北文章煥昔遊。  
二十年來相望久，至今慙愧說龍頭。

不將華彩飾璫筵，滿郡歡稱太守賢。  
朗月正懸千里照，清風唯飲一杯泉。  
人依花萼春常在，賦到蘭階玉幾編。  
見說黃鍾開令序，恰欣剛長歲寒天。

再到一指巖有感卽送同年俞澂湖西旋仍用戊寅奉

投元韻

花花草草送流年，精舍寒暄又各天。  
繞樹鴉聲來熟矣，照檐江水去茫然。  
半亭月隱征人榻，一棹烟開太史船。  
爲問霓裳舊時伴，除君誰是大羅仙。

再贈澂湖

與君爲同袍，相識在矮屋。  
君方當盛年，我叟炯雙目。  
明月照層



樓新篇各三復同時有萬郎意氣何煜煜過眼三十秋握手龍  
山麓君開絳帳光我在轅下伏君閒指白鷗我歪如枝鹿靜躁  
迴不同同此華髮速人生真須臾轉盼羊腴熟南華秋水篇慷  
慨百回讀努力修令名無爲歎局促迢迢江上雲隨君返空谷  
東籬菊未荒南山豆初掬此境淡彌旨怡然膺百福詩成送君  
行踈鐘出林木

題丁且耘行樂卷子

衡門好風景高下綠如茵我愛圖中客天畱物外身詩書心共  
遠菽粟味偏真借問西湖上清光別幾春

壽耘研二兄二首

冰雪凝成自在身婆娑老影度嘉辰盤空風力真千里杖國年  
華又六春不與羣倫齊毀譽獨從先垂見精神寒泉古木誰堪

似定是期頤上瑞人

謙受堂集卷五

七

春草情懷繞綺筵稱觴恰與薦辛駢一時兄弟攜花下正好兒  
孫到眼前時自馨短攜其子  
來省卽謂著讀書惟有文章堪獻壽長依官舍作歸田年  
年此日都行役把盞迴思意灑然

次韻耘研兄立春對雪二首并示張葢翁

甘棠花下推耆舊淠水城邊薦歲新雪灑春前晴更好詩當老  
後味俱辛青袍人共麈裘爛綠韭鮮同火棗陳天意喜逢人事  
合感恩懷德自逡巡

有客飄然不賦歸玉峯千尺擬光輝且依老鶴相追和待與新

禽作隊飛

葢翁將與兒子  
輩同上公車

馬帳管絃成獨賞公堂春酒肯貽譏一時

同上龍山望滿眼瓊華亂拂衣

除夕和耘研兄韻

老健何妨帶減圍生憎糠覈笑癡肥春隨杖影乘除慣人與天  
心感應微墨瀋豔隨銀燭起雪花寒鑄鐵腸歸年年  
天祿叨君共待把新醅迓曉輝

謙受堂集卷五

謙受堂集卷五

十八

謙受堂集卷六

大興 邵大業 厚菴

詩六

庚辰新詠 庚辰

元旦同張蓋翁劉介繁及姪自鎮兒子自昌自悅聯句  
又分體得五古限花字卽示柯景韓胡載功

三春開令序五色揚奇花理此舊事業迎彼新歲華公幹振文  
藻平子飛仙葩阿咸頗解事新琴競箏琶學步有二子居然豔  
齒牙得句各歡笑忽爾無喧譁俗吏俗已久胡乃擊鉢誇非敢  
炫風雅聊以承床嘉座中有庾杲袖手意氣賒安定三寸管淋  
漓走龍蛇此境足怡悅浩蕩春無涯我思在

上苑聯步馳騶駟又思六山麓融融滿籌車方寸無限意寄此

謙受堂集卷六

尺幅斜詩成聞鼓吹相與引流霞

庚辰新春抵鳳陽承觀祭暨諸同好稠疊招飲欣然忘  
歸竊喜屢豐有慶民氣和樂爲前此未有之盛漫成五  
律三首卽簡太守項芝庭同年

不到濠梁地飄然幾度春山川原自昔風景條如新二黼民無  
歎千村麥正勻黃堂誰執政標格舊詩人

擊鼓投炎火褰裳闢草萊幾年愁澤國今日到春臺身瘦餘歡  
笑年豐入酒杯相逢好時節千炬照崔嵬

牙戟春風暖簪裾喜氣濃萋梧看鳳集卿月許星從鏡吹喧高  
館謳歌接四封我來瞻瑞色投轄感春容

奉和託方伯瞻園元韻

閒情冠佩外高館獨含秋杖倚莫山兀詩成江水流卷舒雲出

卍瀟灑月當頭不有超然意清光可濫收

次韻潘情字二首

冰雪寒芒照骨清河陽花發早知名舟車袞袞相逢地風雨年年別後情日煖山窗幽谷寺秋深樽酒石頭城招尋幾度追前事黑白蒼茫只對枰

風流不忘少年時杜牧三生似總持人事幻來翻覆手閒情寄與古今詩天邊鴻雁添新侶江上芙蓉發故枝清夢一春惟企子爲傳芳訊寫烏絲

題故友繆子良遺集兼示其子秉鈞

塵海論交日超然縞紵心十年驚噩夢千古痛遺琴梁苑豐碑在湖塘宿草深一編畱咳唾淚盡百回吟

伯子吾心賞翻悲逝水餘猶憐季方好善讀趙奢書辛苦傳歐荻風流認郭車青雲相望久器業定非虛

謙受堂集卷六

二

滿蟾四女子歸書箴以示

我女癸亥人春風剛十八母氏去雖早天性自賢達怡怡青閨中父兮情最暱今年桂子秋百兩迎門發冰暑搆秦樓香花迎皓月乘龍誰家兒崧高舊闕闕先期拜堂前宛轉涕淚咽我心胡不悲我容轉如恧女生願有家茲事胡能歇我女本幽閒婦儀不煩說此往必宜家相看各歡悅往得翁媪憐毋傷定省潤我詩女所珍聊以慰離別

示申婿兆命

郎君盛威儀芙蓉出秋水乃翁我上官投分結連理齊大我所慙婚快心竊喜文軒東南來鬱鬱清聲起荒衙吹鳳笙牽犬忽忘恥我女本兼葭猶幸幼學禮雍雍鼓瑟琴倡隨一何美對之

心神怡幽香濯芳芷乃翁漸雲達霜臺繡衣使嚮用及

清時後來方未已堂構古所矜步武良在子所願勵修名勉成  
天下士冰清不足言玉潤信如此我歌雞鳴詩其言淡而言

題張汶石秋窗夜話圖二首

修筠千个照蘭缸戰罷西風氣未降  
垂上儘多行樂地不教容易坐秋窗

形影蕭蕭入夜寒淡於秋水馥於蘭  
詩朋酒伴知多少一指中間對面難

圖作對面人不露其貌惟以手豎一指

滿蟾四女偕申婿南歸臨別口占

十八年來咏絮人晨昏冷暖十分親  
而今好事翁嫜去莫對春風戀大椿

玉潤人歸喜上眉鳴環稚齒有餘悲  
堂前子婦如林立肯向天

桃別淚垂

壽寬齋王院長並呈令弟容齋太守同年

廬陽佳氣足氤氳望裏歌聲接暮雲  
山上黃精大如斗半歸難弟半歸君

題同年朱朗圃筠晦詩集

片帆秋渡大江隈曉過柴門叩不開  
芳訊忽通花外使一編攜對一年回

朝朝筠晦看花忙寫入詩筒萬丈光  
塵網一拋人似鶴果然何處不清涼

朗圃顏其齋曰何處不清涼

馬牛風外白雲窩海上歸來笑口多  
吟罷不愁搔背少一門酬唱有蘇過

霓裳賦罷廿年餘過眼風花欲悵予  
唯有故人詩最好只如楊

柳暮春初

又題筠畝小照

長岡陂陀清溪清嵐光水影相鮮明小亭兀然踞其上千个萬个琅玕平筠畝之大不盈畝落落數椽空萬有朱輪華蓋不到來吾友居之康且壽吾友曾牽萬里絲蠻烟瘴雨山風吹翻然歸坐此局促將欲易之爲不爲

擬古酬夏禮谷同年見贈之作

巍巍青瑣闥鬱鬱昆明池簾聲渺花外與君同委蛇

解一

委蛇復委蛇春風忽殊路君作花間人我向紅塵去

解二

塵飛一何駛歲月如飛蓬相思忽相見乃在江之東

解三

君歸擁書城我忝寄轅下轅下不敢悲所悲光景謝

解四

蒙君念宿好投我青琅玕琅玕價百萬報之良獨難

解五

仙凡久殊緣靜躁今異境握手叙疇昔猶喜保天性

解六

回首望紫陌冉冉卅年餘同輩復誰在人在真須臾

解七

須臾亦非暫百年亦非久珍重見面難清風吟在口

解八

歲暮人事迫言別江之湄明年花時節來讀新春詩

解九

題朱奇峯小照

讀書貴大意彈琴妙無聲物物不滯物庶幾遊高明朱君我自出磊落其性生花陰日正午柳葉風方輕以茲重梓里因而趨王程尺幅自寫照象外有奇情非徒慕水石高言濯塵纓

同秦大復山登昭關口占

徙倚昭關上遙瞻北固樓江聲吞鐵甕山氣壓瓜洲梗泛一身小雲深萬古愁驚人雖少句無句亦難休

與復山話舊感作

舟馬紛紜地飄然竟盍簪僧寮一日話蘭序十年心江上白雲  
渺沙邊宿雁深不堪追往事慷慨欲沾襟

和學使劉圃三太史見贈之作

天子臨軒召爾侯  
褒然清譽曲江頭  
疑丞禮樂開東序  
啟沃精神貫九州

金殿臚傳光

上苑玉壺詩就譜  
新謳然藜舊是君  
家事奕奕爭看太乙樓  
鉛槧功名十載過  
歐公人望說洪河  
網開珠海千重盡  
藥採嵩山五色多  
卷石無材邀大匠  
龍門有願托微波  
兔絲燕麥千秋事  
爲借平衡正側頗

湯湯溷水迓春旗  
冰雪清嚴照四圍  
陪嶽崢嶸千丈近  
使星高朗一江違  
灰飛仙管風回谷  
吟入清宵月到扉  
見說大椿開壽

域好攜芹藻伴萊衣

樛散無由答

盛明高山瞻在帳  
難弁彝門執轡空  
前日苟座沾香觀  
此行燕石自憐辜  
大雅齊竽何意濫  
迂生更邀兩屯通  
門好猶許新雛學鳳聲

臘八日同新牧德厚菴管守崔邦光司馬于魯川少府  
施君實上舍柯景韓觀獵六城之南詩以紀之

刺史新來振武威  
將軍麾下馬初肥  
平沙淺草城南路  
一片清光照鐵衣

青松岡下選車徒  
側目鞞鷹氣象殊  
饒吹一聲齊上馬  
驚飛千點水中鳧

長弓勁矢氣飛揚  
家屯清河舊擅場  
獲十一朝同拱手  
驅車那

復借王良

鴨綠江頭射鵝人暫拋琴鶴事征塵可知耀武兼慈惠不許中  
牟擾雉馴是日得免六飛  
鳥五竟未得雉

左丞瀟灑愛肩輿搜徧天閑總勿如司馬未嫻調馬法中書君  
果不中書

富春佳客怯花驄少府驚心朽馭同欵段隨人人莫笑家山都  
在浙江東

獵罷陳禽處士家鄴侯臺榭足清華山行却憶王都尉不及軍  
中聽鼓笳王叅戎按部英霍  
未與斯會故云

七載臯城受牧難蒐苗空負馬牛灘短衣也逐公徒去應使新  
官笑舊官

一枝梅信揷瓶新洗盡囂呶認化身忽憶桃花好時節劉郎一  
去已經春謙受堂集卷六  
今年二月劉營守若岩曾邀  
同人遊桃花塢劉已告歸

臚節風光接令時長楊隊裏把清卮兼葭玉樹參差甚雛鳳清  
聲竟讓誰是日德公子崔公  
子並豚兒與坐

送錢明恕存北旋

三十年前共席人幾回相見鬢毛新白衣蒼狗人間事瘦石孤  
松見在身子西子湖頭門第舊孫公臺下嘯歌真莫將往事增惆  
悵江上梅花正及春

題託方伯瞻園詩後

風雅看前輩飄然孰比肩幽蘭深徑裏明月大江前供奉思無  
敵蘇州語自然挑燈百回讀無路覓蹄筌

官閒錄辛巳

臯城早春候代



鶴影琴聲泝水間  
桃符新舊七年還  
久知春氣先南國  
畱得清心對霍山  
詩少轉憐爲客好  
人忙翻覺在官閒  
百花消息看初動  
領受東風改故顏

和圃三劉學使見寄三首卽以誌別

袞衣信宿未曾安  
歸去霜華拂繡鞍  
泝水輕冰霍山月  
都將顏色鬪清官

冉冉江花滑比脂  
採蓮兼採隔江離  
春風忽到焦桐外  
我欲先刊萬口碑

蓬萊千丈紫雲長  
便倚金莖謁畫廊  
此日不禁回首望  
玉莎廳畔絳紗香

龍爪石歌

六城城西泝河側  
石骨連拳穿地脈  
就中一石深盤根  
大書龍

謙受堂集卷六

七

爪其文白傳聞有  
宋建炎間水落沙分  
露靈跡同時焦氏弟  
與

兄文武彤廷各第一  
志載宋建炎庚申焦燾特奏進士第一弟炳是年亦舉武科第一  
童謡朗朗到今稱

龍爪見兮狀元出  
迄今六百有餘年  
影匿光沉求不得  
乾隆已

卯廿四祀此石忽如  
日月揭父老驚喜兒  
童呼快睹爭先頌聲

徹縉紳先生告長吏  
長吏聞之寸腸熱  
天時人事非偶然  
會見

英才應時發急命  
吏人摹其眞裝潢  
懸之光照室人有傑  
兮地

有靈千古誰能易  
此說

辛巳二月抵平塘次乙亥舊韻

團團陳跡劫難消  
回首東風笑牧樵  
歲月修蛇驚赴壑  
功名司

馬負題橋時經冷  
暖松含翠春到池  
塘柳放嬌往事不  
須重疊

憶沙鷗一點水西遙

全椒畱別同年朱明圃

同君賦霓裳識君於師門君方好顏色我意尤翻反一別二十  
載無由問寒暄悠悠六州道驅我臨華軒中間五六載往往共  
朝昏飲我聖賢酒貽我蘭蕙言邂逅雖已暫笑語殊溫溫况復  
有令子禮意和且敦胡乃迫令甲春風愴離樽登堂執君手未  
別聲已吞君如鶴在野我如鴛在原願君長盤空願我長伏轡  
後起二三子相期在仙源舊雨重新雨綢繆如媾婚譬彼陌上  
花旣散還復屯念茲轉歡洽努力同加殫

奉和瞻園託大中丞見贈卽送粵行

天意垂耆碩臣心忘遠行吟詩懷故吏擁鶴上春程舊事黃丞  
相新風百粵城年年鍾阜下翹首楚雲平

四女自吳門省余於金陵同舟赴京口送余北行卽事  
成四絕句

謙受堂集卷六

八

燕子磯前倚棹歌北風難渡意如何鳴環稚子相依托消得家  
常話幾多

東牀佳客意縱橫燈火芸窗勗令名我自朝  
天爾歸去好從味旦警雞鳴

春江迤邐接青霄正好清明折柳條良會不禁回首望有人千  
里怨迢迢

丙子早逝老妾施愛女最篤

長安初到正吹笙

時婿兄鐵蟾及  
兒輩同應春試

兩姓公車好弟兄

丹詔紅綾相望在爲傳燕喜到吳城

寄懷申婿二首

聽說芸窗下丹鉛日夜勤雲霄無限望玉潤有餘芬薄澣姑憐  
婦相攜我憶君一江如比戶無爲悵離羣  
盼到長安日雙旌見乃翁春風承

北闕好事近南宮骨肉連鑣在文章異曲工詩成一翹首江草  
正菁蔥

別六口占用張汶石見贈韻

洛水吳山帝子州簡書重疊十年遊好花飛處隨流水春燕來  
時認舊樓兒女向平看入手功名顏駟笑埋頭當門拔薤真孤  
負怕聽行人說故侯

舟行十首

蝸角役未已江關此復遊東風楊柳岸春水木蘭舟往事分明  
在伊人不可求百年真瞬息無語對芳洲  
蓬窗方丈地俯仰欲何之水急行疑駛風強去轉遲向明書小  
字呼子對枯棋濁酒勝無力空慙豔冷時

已沾秣陵雨還指紫泉烟雲水六朝外繁華一葉前笙歌迷鶴

謙受堂集卷六

九

市燈火散漁船借問狂吟客何如作賦年

江上蘆芽短田間草萊稀從知人力貴不與授時違翠黛高樓  
見清觴畫舫飛獨憐金粉意舊事未全非  
御輦經行地風光入眼殊樓臺飛

翰藻溝洫降

訝漢雨足麥含潤天晴花自娛東南有粳稻輪輓日干夫

淮水西南出黃流東注來乾坤尊海國清濁瀉靈胎烏落千帆  
影風馳萬里才定舟翻怵惕雪浪怒成堆

川原忽殊象客意定如何漸入齊州路全臨誓帶河語喧知市  
近几暗識帆過見說宣防急綢繆瓠子歌

畧約纜通路團團水到門飯餘來種雀墮隄足肥豚破網當檐  
出香苴隔歲存莫嫌生處陋天意保眞源

犯曉聞開纜行行日未遑雲霞邀客住款乃逼人忙樹入荒村  
遠波涵落照長坐來山色暮岸火出微茫  
睡足人翻倦春深氣轉寒爲憐風日好不怕衿衣單白寫三春  
句閒烹八餅團扁舟與芳草相送去彈冠

車中十首

舊日題詩處欣然更執輿市聲辭澤國山氣拱

辰居淺草堪調馬平沙不限車幾回聞叱馭疑是定船初

乍喜風馳駿旋驚電轉輪幾年違故里十丈怯征塵雨露街

恩久鄉間望眼親遠懷白雲下松柏更關人

漸入鄒滕路從知禮義鄉山川環道氣風物寫平康野水沿牆

碧閒花夾路香最憐嶧山畔指點說宮牆

文獻推東魯飄然俎豆遺一鄉存碩果千古見豐碑蔓草夷吾

謙受堂集卷六

十

墓荒烟卞子祠展禽何處宅直道至今垂

翠微殘照裏迤邐過東阿泗水曾蕪聲高唐尚有歌柳衣輕自

辨麥浪軟于波何處題亭客吟情此地多

馬首東瞻處行行入故山名州依塔外佳氣指河間文物燕南

重桑麻趙北間從來

畿輔地赤望表人寰

徑問滹沱渡危梁此獨豪天邊瞻斗柄日下走泉刀禮樂千官

會車書萬國勞忽聞傳聖跡人仰石門高

白溝河畔水冉冉入清渠見說長虹外新承兌澤餘旌旗飛野

馬風日隱嘉魚盛事真超越應煩太史書

入眼成怡悅車中更有詩一江春渡後千里麥華時秫酒嘗偏

好芹羹味獨遲鷗絃何處撥土操我能知

西山六年別蒼翠望中分紅濕金臺樹青飛紺殿雲微忱依  
關迥厚澤自

天殷且喜春光裏新風正接薰

奉和宮保尹公應制昆明湖放舟至玉泉山元韻

瀛島中間曉放舟春風吹遍玉山頭早知

天上恩波遠一點源泉四海周

龍樓直北鳳城南洞口桃花一樣探

睿藻飛來千丈燄柏梁詞賦總應慙

鶯花三月動蘭橈濟濟名卿荷

龍邀見說龍光傳笑語蓼蕭深處眼同撩

萬柳堂

金谷蒼茫梓澤墟當年曾此駐華輿相公池館荒烟外才子詩

謙受堂集卷六

十一

篇落照餘高閣倚雲迴獨鳥短蘆出水覆潛魚風塵暫問橫塘

柳野服回憐卅角初

卽席次樂滙川韻二首

禽聲松影動窗紗有客談詩細啜茶豈料紅塵千丈裏空齋點

點落閒花

擊鉢清狂傲綠紗果然酒興勝于茶多君善禱南宮客畱得春

風二月花

又次滙川見贈韻二首

談笑天然迴不倫粗繒大布裏青春潛魚不食人間餌江上漁

夫漫下綸

竿頭百尺竟安身不穫桑田只穫仁一丈閒亭數椽屋收將文

藻當禾因

安化寺西廊寓齋同人分賦

掃地 得孝字

一榻禪關外清虛得暫安  
早知乾淨好只是掃除難  
敝帚呼童慣閒庭得地寬  
元規塵不到吾意屬旃檀

垂簾 得化字

濯濯湘南材垂垂當午下  
天意厭煩囂人事有變化  
坐看日影移微覺棋聲罷  
巢燕空徘徊文梁何處借

焚香 得四字

博山爐最好微火動纖翳  
妙製傳龍腦濃香得麝臍  
烟霏綺窗外人在畫樓西  
借問荀家令誰從坐上攜

啜茗 得四字

獨有相如渴金莖露未嘗  
我來天柱下人乞霍山香  
活火憐坡

謙受堂集卷六

十一

老傳經問陸郎一杯清更好  
步履到迴廊

題太平鳥圖

仙衣璀璨錦毛齊天錫佳名  
淡墨題若把菱花窺半面也  
應對

壽似山雞

秋林澹蕩太平時紅葉紛紛  
獨語遲畫府曾聞傳妙手宣  
和宮

裏萬年枝

題張景咸表兄小照

我母張自出我兄張之孫  
葭葍托舅族誼在安定門我  
兄謁我母我幼兄青春我母  
呼我揖我意猶逡巡我舅敦  
古處我父夙所欣連理互轆  
轄因之申新婚 先君以從父子  
瑜公之女兒 兄也秉父教仁  
義爲耕耘悌友本天植與物  
無輕軒口不談節概心常懷  
道根忠厚衍垂澤禮意垂後  
昆所以入其戶藹藹如春溫  
乾隆歲辛巳執

手燕臺塵我兄邁甲子我亦艾之倫回頭思往事感歎如浮雲  
舊德各陳說冰兢誼益敦尺素佐小照索我題片言我愛顏色  
好且喜馨香存靜觀水與木誰能離本源

展墓二首

風樹含悲久荒原一壠存幾年違拱木邈迤奉肩豚貽翼叨餘  
蔭循牆凜故言回看舊廬在無路問晨昏

兄弟皆黃土相陪有孟光忽憐斜影獨唯喜後來長蘭桂滋方  
大詩書氣正揚黑頭人健在珍重爾流黃

阜城別自華

春明歸去意如何且向萱堂奉笑歌

自華承嗣  
弟嗣母在堂

美玉要當三獻

出好音只待一年過

時辛巳會  
試報罷

天邊鶴影飛猶健江上棠花發正

多莫對岐途悵離別團圞他日慶鳴珂

謙受堂集卷六

七

貞女詩

葵錦三兄第三子自耀年二十一蚤卒所聘陳氏女矢死  
守志越十年來歸化此

周官懲嫁殤昏禮重廟見壻死未執綏義不守縞練聖人無過

情賢者爲其變吁嗟震屯操近在吾家彥吾兄三索子二十妙

詞翰方期奮雲遶纖羽忽中斷中斷不可追千里起婦歎袿襦

謝紅紫膏沐辭首面登堂告父母歸執良人裸父母動色言兒

說非禮訓良人未結縭胡乃失信旦兒去老女終何云父母願

女聞悄無言歸房絕饗膳此身誓此心此心金石貫父驚並慰

勞兒幸加餐飯兒志苟不移爲兒達繼總女起再稽首涕破微

含榮維時翁各天夫兄在畿甸尺素致女言邀兄走相唁相唁

胡不慈悲盡轉歡忭歛輦啓夫兄翁媪幸垂眷不望百兩迎但

望歸君閉亦越歲丁丑臘盡冰未泮素車淡衣裳孤琴隨斷雁  
入門拜兩姑涕泗紛如霰回頭見二婢踴躍動雙盼踴躍云如  
何我來同執爨怡怡姪兒女執手互依戀一時忘悲哀轉若春  
風奩翁歸大喜悅所見非所患所患寡鵠悲所見淑女善見婦  
不見兒去兒纔一閒猶子作婦子婦在無恫怨作文大徵詞文  
章報婉孌吾詩兄夙欣詩成淚交汗嗚呼貞女誰山陰陳氏媛

謙受堂集卷六



謙受堂集卷七

大興 邵大業 厚菴

詩七

江上吟 辛巳

舟中分賦五言各一首以江上清風山間明月爲韻同

兒子自昌作

開纜 江字

枕上凝深夢歸心迫未降忽聞呼我友犯曉動孤艘楊柳初辭  
岸長繩乍脫瀧此行看利涉早晚到春江

撐篙 上字

削杉爲長篙亭亭執相向羣呼忽喧阗踽步互排宕深情在扶  
危努力獨適上吁嗟石尤風人力足以抗

揚帆 清字

謙受堂集卷七

竟得周郎便帆開一葉輕鳥飛欣有伴人定寂無聲遠嶼來何  
速長流去轉驚更憐明月上高影夜來清

鼓柁 風字

雙橈高度久乍舉入空濛似揖青山外頻移碧浪中沫飛常帶  
雨波動欲兼風借問湘江上高歌誰與同

振柁 山字

康濟資良宰論功識爾艱羣工趨似水一柁重于山險阻心偏  
警周旋手獨嫻幾回浮海去萬里得輕還

挽絳 問字

呼和聲何急于于一索問鳧趨青草岸魚貫碧溪灣掉臂翻誇  
疾徐行自得閒逡巡直如此何日大刀環

扳招 明字

一木千鈞重前茅孰並衡曳搖青浪合轉動白蘋生左右兼承  
弼憂危及盛明將軍能破陣新賜寶刀榮

定椿 月字

日暮羣動休行行近林樾尺木盤根深鉛金入水沒飛蓬此得  
安飄風不愁發敬謝邪許人披襟抱明月

又四首以空明流光爲韻

倚棹 空字

拏舟遠相問孤棹倚晴空目極浮雲外心驚一葉中雁聲初向  
北潮氣總趨東不識仙槎上茫茫何處風

叩舷 明字

芳草綠未已輕烟林外生雙舷看好在一叩渺然清歌罷聞茶

謙受堂集卷七

熟詩成見月明最憐高臥者有夢鶴同蹇

推篷 流字

雲氣千重合湖光萬頃流推篷聊一望對影獨含愁歲月殘花  
外人烟古渡頭相看誰解事沙際一輕鷗

擊楫 光字

挂席今何適迨迨秋水長壯心窺海嶽努力愛流光扣角歌方  
歇吹簫客正狂汝材原作楫一擊意飛揚

題清江僧幻如詩稿

袁公浦上水漣漪有客風塵正染緇枕簟茶瓜相伴好却輸茅  
屋已公詩

贈徐州太守劉介石

星海城邊百尺樓飄然風味逼黃州馬牛風裏高騎鶴豔瀕灘

頭穩繫舟亮節不因趨  
忝換素心偏藉簿書畱  
最憐憫雨占晴候猶爲烟霞費討搜

壽唐西畔秣陵東握手匆匆浪逐蓬湖海襟懷纔許見雲天氣  
誼竟誰同蔡家別眼焦桐外司馬平衡水鑑中入座幾回消鄙  
吝不勞江上問清風

辛巳重九投院長夏醴谷同年兼示諸生

鍾山千尺曉生烟佳節飛騰落帽前江上茱萸輕可佩宅邊雞  
犬重難遷時攝江寧字案卷累尚開六安秋風小病虛衰履高館寒花動管絃試問

夜光吹徹後幾人舞得羽衣旋中秋日曾以試憑弦管一吹開之句徵院中諸生詩

送温皆山同年北行

遙遙京華春恭敬在桑梓秋風敞賓筵並坐識君始楊花陌上  
飛紛紛異行止離多會面稀流光去如駛令弟守西江君乃趨

謙受堂集卷七

三

帝里相思忽相逢握手秦淮涘風雨續舊歡婚媾慶新社老大  
不足嗟惕厲各未已相期保令名通塞寧挂齒同君翦燭談超  
然脫塵滓臨行索我詩百年此心耳

輓朱朗圃同年四首

脉脉一樽酒春風執手時那堪三月別竟謝百年期柳色全椒  
路荷香酌畝詩清光猶昨日人去獨含悲

宴罷瓊林日師門識面初風塵違令範雲水認高廬長謝郵亭  
吏真成處士居往來容我熟雞黍費踟躕

驥子青雲器稜稜有父風幾年欣執御今日歎飄蓬味薄黃齏  
外薪傳綠字中獨憐遺恨在馬鬣待孤冲

偏愛吾詩好年年賦落花子卿還憶別張劭頓辭家山雪飛殘  
樹江風捲暮霞招魂與天問何處返靈槎

彭門雜咏上

辛巳至癸未

黃樓用東坡韻同張木昇作

源泉萬斛坡曾說挾客登高高興發黃樓初起水不波入手詩  
成唇齒滑前年

六龍東南來黔首喧迎泥沒轍

宸游畱翰總殷憂舜傲堯容動吸呷金錢百萬來司空斥鹵墮  
壚都荷鍤名臣撫字開陽春

聖主焦勞迴肅殺先憂後樂一德威最熾煌煌照華刹我來年  
事當屢豐穰極重重機軋軋一邱一壑烟雲生千水千山光氣  
壓倉皇代割庖人憎好景空看石齒齧困阪鴛慙轅下駒呼名  
拙類山人鴨擘箋作賦誰能爲張翰風流居近雪

寄族人四首

謙受堂集卷七

四

西湖族望百年新少小朝飢鬱未伸一自對牀蕭寺後夢魂常  
繞草塘春

霍六溪邊百口羈最難迢遞問鹽齏無家翻覺家容易移在鍾

山一處棲

前攝江寧守卽自六安移眷累於江寧

相思日日望南金一紙飛來慰夙心却悵還家太悽惻秋風井  
臼入酸吟

柿葉翻來悲復悲履霜人幼出相隨疎狂阮籍真超絕說到途  
窮亦涕洟

題張木昇花下題詞月下獨酌兩卷子

先生吟詩渺衆慮收視反聽入元悟先生含杯樂陶陶雙眸澄  
徹凌秋毫古來豪傑推白甫白飲猖狂甫吟苦吟詩不苦不得  
工飲酒不醉虛春風先生兩圖得兩妙雙管齊飛成一笑忝也

塵封緇染衣酒力不勝詩力微對此才汗如水願執長旂爲  
弟子

壬午春日偶吟

春來風日好草木有新容彭城十萬戶佳氣殊蔥龍太守偶借  
箸相與誇遭逢旣幸還復戚河伯張其鋒孤城一片石當此黃  
流衝星海注全力藁隄烏能封循流審形勢腹饋徒憧憧翹首  
翠華莅勝筭神無蹤當局有周召綢繆應在胸

明良千載遇寧復勞菲葑念茲轉歡洽負弩先吾農

沛縣作

擗冠人起白蛇傾爛醉東鄰帝業成王氣自隨三尺劍霸才能  
乞一杯羹雪迷衰草荒溝落日落寒原野燒明回首繡衣憐下  
相東歸寂寞竟宵行

戲咏傀儡次張木昇韻

謙受堂集卷七

五

長年一線繫江東宛轉隨人負乃公暫覺可兒能解事本來木  
彊百無工神遊優孟衣冠外跡溷梨園子弟中試問酒闌人散  
後一腔空洞與誰同

輓同年項芝亭太守

鳳陽郡伯同年友冰雪堆胸文印手風流蹴蹋曲江頭百里金  
章懸在肘巍巍岷嶠探江源歷歷晴川窺楚牖千峯鎖鑰當秦  
關司馬清聲高繫斗

帝曰濠濮民其咨唯汝良哉宜佐守拳帷初到劇驚心石田處  
處盈稂莠室中那問一三餘隴畔難尋十千耦辛勤露冕十春  
秋親把耕桑問農婦行囊一卷河渠書長淮距川川距畝果爾  
人事回天心釜不游魚星失雷八公草木物華新萬安湖水恩

波瀾前年遇我淝水東爲我歡言間左厚要將後樂補先憂頓  
使黑頭成病叟促歸僵臥牀第間井竈炊烟猶掛口霜風一葉  
摧高柯渺渺淮西喪慈母藏書猗頓繼桓譚墮淚穹碑存峴首  
千里塗山哭故侯提攜稚子同黃耆吁嗟人垂真須臾卅年舊  
雨參差負憶昔春風曉看花大羅同澗

天厨酒手版將迎歲月更匆匆奉檄東西走皖公山下得遭逢  
敢擬王陽同結綬振矇發贖荷糾繩相貽直抵瑤瑤玖風流餘  
興在揮毫別裁僞體離窠白隻手能扶大雅輪墨波一洗風騷  
垢登峯君已涉其巔繼聲我亦忘其醜一時盛事目前如風馳  
雲捲空回首雛鳳偏當萬里飛牀前呼搶皆薪樵死別生離頃  
刻多山印華屋愁難剖我悲欲吳轉吞聲功在民生名不朽長  
歌作誄呼棘人廉吏從來必有後

壽省日四兄二首

謙受堂集卷七

六

百尺黃樓外蒼然古木榮濃分太行水香接衛源城兄寄居河  
南衛輝府  
系都圍膝周旋尚有兄謂葵錦  
三兄吾家存二老官舍燕毛弁

早讀逍遙賦偏來尺一章

盛朝有循吏垂老荷

龍光乾隆辛巳  
恩復原銜橘裏真稱叟甜餘獨認鄉吹簾相狎久吾意亦猶

律

次韻童二樹

越水吾鄉里相思日幾回黃樓欣客至蔣逕爲誰開見說書山  
秘真傳曲水杯只疑行坐處忽倚白雲堆

壬午七夕寓沐陽三元宮作

六塘河畔秋柳殘秋水大集河伯歡雙星欲渡不得渡爭天風

雨來無端彭城使者在蕭寺寒蛩無聲鼠夜肆倚牀支枕睡復醒萬頃汗田怯憔悴今年

六龍東南來如天之澤何恢恢先憂憂民後民樂金饑水毀胡能苗嗚呼金饑水毀胡能苗

題張學圃架裝行樂四首

張先爲雲南史後爲廬州郡丞長於風鑑

玲瓏仙骨本珊珊一抹吳峯入照寒萬里忽驚鴻鵠羽爲從勾漏乞低官

淝水東西接遠岑使君清望在棠陰江州莫笑青衫濕記取菩提一片心

笑笑舍利總超神不借靈犀早辟塵到眼雌雄無障礙絕勝水鏡表人倫

六朝烟水寄長歌愛網重重走達摩有子壯遊孫更好青巾白

袷傲人多

謙受堂集卷七

七

和張蓋翁得子元韻

絃管臯城裏春風勸畜姬門闌先得堦伯道竟生兒仙菓應遲出蜚聲尚及期將雛承壽母倒蔗味如飴

題亳州王氏三節婦紀畧并壽

譙郡古雄國賢杰接踵生間氣鍾巾幗往往多令名咄哉王氏母累世同堅貞姑也勵其節婦也餐其英婦兮復有婦青燈相對明綿綿百年間一綫千鈞撐昊天憫奇行三壽良崢嶸倒蔗末益美光采生長庚嗣起特磊落一夔已足榮我昔事河上曾憇渦陽城式閭色已動賦詩神爲傾願言紀彤管春風揚大觥

和莊念農同年朝天宮讌集元唱卽示潘馬楊三明府

並許海槎

好句如珠一串新風光不負秣陵春不知酒伴緣何事只羨元都觀裏人

招尋紫氣指函關便倚丹爐問訣還却怪小車花外冷不教同看蔣公山

蘧蘧清夢蝶魂侵有客掀髯放鶴心見說河陽花發後當筵一曲思難禁

季長絃管與初濃註到玄經舌本窮多少緇塵衣上跡一時消盡畫樓中

壬午長至月過錫山追和戊辰原韻

十五年來此復過好山三面媚人何陰含遠岫冬還翠候入堅冰水正波塔影乍浮開

輦路漁歌清微動

謙受宣集卷七

八

卷阿彭門只在吳雲下依舊松根繫葛蘿

立春日和張木昇韻

有客東風唱好音新懷舊感足幽尋一鞭春色歸長鈇萬頃烟波護碧岑彩勝銀幡佳節事詩脾酒盞故人心高風却怪黃樓上塵盈年來百斛深

癸未正月送族姪晉之公車

春明絃管一年回老鶴精神實壯哉投杖未曾悲子夏上書真欲市燕臺西湖鏡水添詩緒瀛海光風入酒盃鳳彩麟祥家望在好攜羣季聽春雷

時與兒輩同赴禮闈

次韻吳梯岑副戎見贈

當代風流孰比倫星辰高摘認緣因縹緗茗水龍門貴刁斗彭城虎帳春曉續挾來花共暖夜鐙吟處月同新紛紛談笑驚全



輩舊是義冠侍從人

司馬堂前綠蔭繁生徒絃管記窺園彭宣分菹淵源在叔子聲  
名日月吞千里河山依絳節三春花鳥共清樽連城到手真無  
價更洩清光引後昆

爛漫陽春早擅名爲憐小鳥也心傾豪分五色寒芒起句叶香  
名異豔生笑竊花驄空避路愧將雛鳳說清聲竹林幸見青雲  
器爲締新交接舊盟

謂令姪蒨芳

雲龍山牡丹盛開癸未三月望日同李監司湛亭吳副

戎梯岑王郡丞蓮峯朱別駕鑑池王明府敏行楊明府  
抒懷潘都閩崑璧儲廣文訖岡赴賞梯岑有詩疊和四  
首

爲嫌塵鞅負芬芳傾國花開一舉觴領郡早懷中戶產寒帷忽

謙受堂集卷七

九

憶使君狂豸冠禮數容疎放半帶風流謝俗妝羣從夾馳僚屬  
喜一鞭歸去近昏黃

洛陽千載說奇芳眼底紛紛足侑觴雨後不嫌公子醉風前爭  
訝美人狂檀心自吐三春秀粉豔鎔成百寶妝生處絕憐名勝  
地豐碑百尺記茅黃

山有黃茅岡

巨佛峯前曉豔芳

六龍曾此進霞觴九天露重烟含潤

雙闕晴開葉鬪狂雕玉舞成迎

翠蓋鬱金香動想華妝太平鼓吹彭門外待看來半匝地黃

戟轅佳氣自成芳競病歌還累十觴座有二王成盛集人依別  
駕總清狂河陽花借神仙吏首藉光分雅淡妝惟有名葩堪贈

蒼不辭深盞瀉鷺黃

雲龍山讌集之明日朱別駕復招同行館看花卽席再  
疊前韻投吳梯岑並示王雨亭郡丞

已向天門擷衆芳更於精舍一飛觴葩含雪彩神尤王酒出家

鄉興倍狂主人浙  
驪極佳喜對新風聯舊雨不妨蒼鬢傲紅妝懸知裘帶

投壺客又有清詞搨硬黃

四月二日王蓮峯郡丞邀同城赴雲龍山賞芍藥卽席

賦二首仍疊吳副戎前韻

名花先後殿春芳又倚蘭亭乞羽觴一樣精神開爛漫幾番風  
雨助猖狂穠華也稱韓家舍藻績寧嗤近侍妝贏得詩牌與酒  
盞不須顛倒說雌黃

清和時候足新芳溱洧河邊欲鬪觴最喜簪裾聯舊伴不嫌士  
女笑顛狂玉盤金帶奈差見淺白深紅次第妝雅會劇憐湖上

客車塵擾擾正蒼黃

謙受堂集卷七  
謂吳梯岑方有事湖上

十

題朱別駕鑑池桂月圖 弁序

桂月圖者吳門浦生天衡爲朱別駕鑑池舉子作也圖稱

桂月者子舉于八月之望也其歲爲辛巳其月爲丁酉其

日與歲同其時與月同先是別駕七索男矣誕彌之月別

駕預擬千支期必舉於是日是時乃吉已而果然別駕喜

親族內外咸爲別駕喜圖之所以作也夫推筭之學不著

于經傳然聖人罕言命而每至得失進退未嘗不亟稱之

後世京房嚴平管輅郭璞之徒皆能前知然或以筮或以

卜或以風鑑陰陽未嘗言命也至韓昌黎爲李虛中作誌

稱其能以人之始生年月日所直日辰支干推人壽夭貴

賤利不利百不失一二意者其始歟余素不解此學而質

之能者咸卜此子之富貴壽考也別駕其有後乎願以別  
駕之忠信愷惻其能碩大爾後也必矣余所信者則又在  
此不在彼別駕屬作序乃爲書此而系之以詩

君子貴知命達人常信天造物本無物物各逢其年朱公承世  
德靜好房中宣生男應荀龍生女亦比肩存者得過半繞膝何  
翩翩其幼秉特異金火相周旋八字四字耳鬪卜如前緣親串  
拱手慶後來當更賢我謂言數渺不若言理全芝苓出松栢蛟  
螭盤深淵長者必有後安用後星躔譬如當秋桂秋至花自妍  
譬如三五夜皓魄寧不圓天心無改移人事有自然摩挲把尺  
素高興來無邊我爲歌此詩聊以發蹄筌

壽觀察湛亭李公

煌煌俊髦走

謙受堂集卷七

十一

帝都星辰下謫生則殊握珠抱璞深自歛致身一卷河渠書冲  
襟大度拓虛牝榮落異境心常舒如淵之鑑鑑毫髮怡然與物  
相吹煦徐方千里薄星海駭宕偪仄驚迂儒能以寧靜化險阻  
手不拈据口不瘖神謀人謀互參贊羣策効命河伯娛獨坐小  
閣謝塵俗烏絲棊几樂有餘吟詩直擬靖節淡臨池不厭蘭亭  
臞潛籌默運有真宰消息何能語凡夫春風二月開壽域老聃  
歲月來徐徐樵材濫比二千石仰仗仁宇叨寧居飲醇庇厦不  
足似欲報無術空睢盱請與彭城百萬戶登堂同上南山圖

乾隆丁丑之冬奉檄治河抵順昌假館連叔度之宅喜

其爲人恬適安雅一見如平生投之以詩旣而有婚姻  
之約乃知前遊非偶然也越癸未春訪余於彭城官署  
言前詩爲人持去因爲補書又疊一首以贈留示後昆

以証夙緣以作佳話云爾

搏沙聚散總由天一首新詩近十年邂逅乍逢如夙契朱陳旋  
合信前緣舊家詩禮曾無恙季女蘋蘩共說賢潁水彭門相望  
在光風千里照人偏

舅祖王登州公靜觀圖書後

昔我先君子涓陽常含悲陳說德義美敬聽而識之小子最後  
出生未拜重慈瞻言三槐下懿範何由窺乾隆癸未夏公之曾  
來思示我靜觀圖再拜心爲儀隆上而豐下宛類垂父姿垂父  
有手澤讀之增齋咨迴憶先子訓颯颯清風吹四垂好連理淵  
源都在茲堂前小草木何幸親高枝旣喜還復懼兩姓家聲垂  
書此記本末相與念前規

和吳葯房喜雨見投之作

陽不愆兮陰不伏

謙受堂集卷七

十二

盛朝玉燭調寒暴汗萊千里舊彭城化作桑田如繡簇不材作  
郡際

清時甘雨盈郊紓衆蹙君家大阮同操舟欣然並受

王明福先生高論窺天人指遠文繁其志肅擬雖匪倫動深思  
作吏不教一行逐從來人事多變遷休咎迴環疾於轂卽今課  
雨復占晴長使殷憂堆萬斛望空咄咄不敢康惟祝天心潛覆  
育龍師風伯請迴車赤馭瞳瞳來且速秉圭植璧我則疎示我  
洛書早膺服願將一首勤民詩座右懸之朝暮讀

題童二樹懷鞠圖

越州詩人瘦于鳥年年足繭彭門道逢迎不遇韓南陽變怪狂  
詞自搜討袖中一卷懷鞠圖形容枯槁聞長吁胸中萬事敝屣

脫惟有慘慘悲勞劬古來詩人多孝子白華南陔其著矣要看  
立傳補何蕃不獨推敲化知已

題吳梯岑副戎東湖望月圖

香風藹藹東湖春嵐光水影相鮮新金萱一枝茂於柏九天濃  
露培精神蘭陔溱澠金閨客不望白雲望明月白雲天際渺難  
依明月當頭凝皓潔青鞵白裕人如仙惟有寸草思綿綿高名  
懋績畫麟閣移忠作孝歌長年

題陳履和罷釣圖

落拓生涯百頃波年年雨笠與風蓑幾回收拾綸竿去非爲無  
魚喚奈何

玲瓏三尺共周旋入手依依夕照前淺水蘆花遲我去肯因倉  
卒便忘筌

題友人枕劍圖

十年鑄劍空山裏鷓鴣膏凝淬秋水雷霆精銳不輕彈什襲深  
藏待知已知已惟有平原君買絲細繡心相傾公等碌碌直若  
此衆中那識毛先生掉頭忽憶騎驢客三萬六千付甜黑膏騰  
一枕臥蒼苔夜半寒光照天白

